

四庫全書

集部

欽定四庫全書

集部

御定全唐詩卷七百

六十七至  
七十三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陸湘

謄錄監生臣程鵬飛

欽定四庫全書

御定全唐詩卷七百六十七

孫元晏

孫元晏不知何許人曾著詠史詩七十五首今編為一卷

吳

黃金車

分壁山河即漸開許昌基業已傾頽黃金車與斑斕耳

早個須知入識來

赤壁

會獵書來舉國驚  
祇應周魯不教迎  
曹公一戰奔波後  
赤壁功傳萬古名

魯肅指困

破產移家事亦難  
佐吳從此霸江山  
爭教不立功勳得  
指出千困如等閒

甘寧斫營

夜深偷入魏軍營滿寨驚忙火似星百口寶刀千匹絹  
也應消得與甘寧

徐盛

欲把江山鼎足分刑真銜冊到江南當時將相誰堪重  
徐盛將軍最不甘

魯肅

斫案興言斷衆疑鼎分從此定雄雌若無子敬心相似  
爭得烏林破魏師

武昌

西塞山高截九垓  
讖謠終日自相催  
武昌魚美應難戀  
歷數須歸建業來

顧雍

贊國經綸更有誰  
蔡公相歎亦相師  
貴為丞相封侯了  
歸後家人總不知

呂蒙

幼小家貧實可哀  
願征行去志難回  
不探虎穴求身達

爭得人間富貴來

介象

好道君王遇亦難  
變通靈異幾多般  
介先生有神仙術  
釣得鱸魚在玉盤

濡須塢

風揭洪濤響若雷  
枕波為壘險相隈  
莫言有箇濡須塢  
幾度曹公失志回

周泰

名與諸公又不同金瘡痕在滿身中不將御蓋宣恩澤  
誰信將軍別有功

張紘

東部張公與衆殊共施經畧贊全吳陳琳漫自稱雄伯  
神氣應湏怯大巫

太史慈

聖德招賢遠近知曹公心計却成欺陳韓昔日嘗投楚  
豈是當歸名得伊



孫堅后

委付張公翊聖材  
幾將賢德贊文臺  
爭教不霸江山得  
日月徵曾入夢來

陸統

將軍身歿有兒孤  
虎子為名教讀書  
更向宮中教騎馬  
感君恩重合何如

青蓋

歷數將終勢已摧  
不脩君德更堪哀  
被他青蓋言相誤

元是須教入晉來

晉

七寶鞭

天命須知豈偶然，亂臣徒欲用兵權。  
聖謨廟略還應別，渾不消他七寶鞭。

庾悅鵝炙

春暖江南景氣新，子鵝炙美就中珍。  
庾家廚盛劉公困，渾弗相貽也惱人。

謝玄

百萬兵來逼合肥謝玄為將統雄師旌旗首尾千餘里  
渾不消他一局碁

謝混

尚主當初偶未成此時誰合更關情可憐謝混風華在  
千古翻傳禁鬻名

陸玩

陸公高論亦由衷謙讓還慙未有功天下忠良人欲盡

始應交我作三公

王坦之

晉祚安危只此行坦之何必苦憂驚謝公合定寰區在  
爭遣當時事得成

蒲葵扇

拋捨東山歲月遙幾施經畧挫雄豪若非名德喧寰宇  
爭得蒲葵價數高

王郎

太尉門庭亦甚高  
王郎名重禮相饒  
自家妻父猶如此  
誰更逢君得折腰

劉毅

遠牀堪壯喝盧聲  
似鐵容儀衆盡驚  
二十七人同舉義  
幾人全得舊功名

王恭

春風濯濯柳容儀  
鶴氅神情舉世推  
可惜教君仗旄鉞  
枉將心地託牢之

謝公賭墅

發遣將軍欲去時  
畧無情撓只貪碁  
自從乞與羊曇後  
賭墅功成更有誰

苻堅投箠

投箠填江語未終  
謝安乘此立殊功  
三台星爛乾坤在  
且與張華死不同

衛玠

叔寶羊車海內稀  
山家女壻好風姿  
江東士女無端甚

看殺玉人渾不知

郭璞脫襦

吟坐因思郭景純  
每言窮達似通神  
到頭分命難移改  
解脫青襦與別人

庾樓

江州樓上月明中  
從事同登眺遠空  
玉樹忽墮千載後  
有誰重此繼清風

新亭

容易乘虛逼帝畿滿江艘艣與旌旗盧循若解新亭上  
勝負還應未可知

宋

大峴

大峴纔過喜可知指空言已副心期公孫計策嗟無用  
天與南朝作霸基

放宮人

納諫廷臣免犯顏自然恩可霸江山姚興侍女方承寵



放出宮闈若等閒

借南苑

人主詞應不偶然，幾人曾說笑掀天。  
不知南苑今何在，借與張公三百年。

謝澹雲霞友

仗氣凌人豈可親，只將范泰是知聞。  
緣何喚作雲霞友，却恐雲霞未似君。

烏衣巷

古迹荒基好歎嗟滿川吟景只煙霞烏衣巷在何人住  
回首令人憶謝家

袁粲

負才尚氣滿朝知高臥閑吟見客稀獨步何人識袁尹  
白楊郊外醉方歸

劉伯龍

位重何如不厭貧伯龍孤子只脩身固知生計還須有  
窮鬼臨時也笑人

王方平

拂衣畊釣已多時  
江上山前樂可知  
著却貂裘將採藥  
任他人喚作漁師

黃羅襦

戚屬羣臣盡見猜  
預憂身後又堪哀  
到頭委付何曾是  
虛把羅襦與彥回

謝朓

謝家諸子盡蘭香  
各震芳名滿帝鄉  
惟有千金更堪重

只將高卧向齊王

羊玄保

運命將來各有期  
好官才闕即思之  
就中堪愛羊玄保  
偏受君王分外知

齊

謝朓

解璽傳呼詔侍中  
却來高卧豈疎慵  
此時忠節還希有  
堪羨君王特地容

小兒執燭

謝公情量已難量  
忠宋心誠豈暫忘  
執燭小兒渾放去  
略無言語與君王

王僧祐

肯與公卿作等倫  
澹然名德只推君  
任他車騎來相訪  
簫鼓盈庭似不聞

王僧虔

位高名重不堪疑  
懇讓儀同帝亦知  
不學常流爭進取

却憂門有二台司

明帝裏蒸

至尊尊貴異人間御膳天廚豈等閒  
惜得裏蒸無用處不如安霸取江山

鬱林王

強哀強慘亦從伊歸到私庭喜可知  
喜字漫書三十六到頭能得幾多時

何氏小山

顯達何曾肯繫心  
築居郊外好園林  
賺他謝朓出山去  
贏得高名直至今

王倫之

豫章太守重詞林  
圖畫陳蕃與華歆  
更與子將并孺子  
為君千載作知音

潘妃

曾步金蓮寵絕倫  
豈甘今日委埃塵  
玉兒還有懷恩處  
不肯將身嫁小臣

王亮

後見梁王未免哀奈何無計拯傾頽若教彼相顛扶得  
爭遣明公到此來

梁

分宮女

滌蕩齊宮法令新分張宮女二千人可憐無限如花貌  
重見世間桃李春

馬仙埤



齊朝太守不甘降忠節當時動四方義士要教天下見  
且留君住待袁昂

勅敵

傳聞天子重儒才特為皇華綺宴開今日方驚遇勅敵  
此人元自北朝來

蔡樽

紫茄白苧以為珍守任清真轉更貧不飲吳興郡中水  
古今能有幾多人

楚祠

曾與蕭侯醉玉柸此時神影盡傾頽莫云千古無靈聖  
也向西川助敵來

謝朓小輿

小輿升殿掌鈞台不免無慘却憶回應恨被他何屑誤  
悔先容易出山來

八關齋

依憑金地甚虔誠忍溺空王為聖明內殿設齋申禱祝

豈無功德及臺城

庾信

苦心詞賦向誰談  
淪落周朝志豈甘  
可惜多才庾開府  
一生惆悵憶江南

陳

王僧辨

彼此英雄各有名  
石頭高臥擬爭衡  
當時堪笑王僧辨  
待欲將心託聖明

武帝蚌盤

金翠絲黃略不舒蚌盤清宴意何如豈知三閣繁華日  
解為君王妙破除

虞居士

苦諫將軍總不知幾隨烟焰作塵飛東山居士何人識  
惟有君王却許歸

姚察

曾佐徐陵向北遊剖陳疑事動名流却歸掌選清何甚

一匹花練不肯收

宣帝傷將卒

前後兵師戰勝回  
百餘城壘盡歸來  
當時將卒應知感  
況得君王為舉哀

臨春閣

臨春高閣上侵雲  
風起香飄數里聞  
自是君王正沈醉  
豈知消息報隋軍

結綺閣

結綺高宜眺海涯上凌丹漢拂雲霞一千朱翠同居此  
爭奈恩多屬麗華

望僊閣

多少沈檀結築成望僊為號倚青冥不知孔氏何形狀  
醉得君王不解醒

三閣

三閣相通綺宴開數千朱翠遶周回只知斷送君王醉  
不道韓擒已到來

狎客

八宮妃盡賦篇章風揭歌聲錦繡香  
選得十人為狎客  
有誰能解諫君王

淮水

文物衣冠盡入秦六朝繁盛忽埃塵  
自從淮水乾枯後  
不見王家更有人

江令宅

不向南朝立諫名舊居基在事分明  
令人惆悵江中令

只作篇章過一生

後庭舞

嫵婉回風態若飛  
麗華翹袖玉為姿  
後庭一曲從教舞  
舞破江山君未知

御定全唐詩卷七百六十七



欽定四庫全書

御定全唐詩卷七百六十八

嚴識玄

以下有爵里無世次

嚴識玄魏州刺史後為兵部郎中詩一首

班婕妤

一作嚴武詩

賤妾如桃李君王若歲時秋風一已勁搖落不勝悲  
寂寂蒼苔滿沈沈綠草滋繁華非此日指輦競何辭

何象

何象遂寧令詩一首

賦得御製句朔野陣雲飛

塞日穿痕斷邊鴻背影飛縹緲浮黃屋陰沈護御衣

御製

詩有鑿與臨紫塞朔野陣雲飛之句象進鑿與臨紫塞賦朔野陣雲飛詩名對嘉賞授贊善大夫

張震

張震河間人江西採訪使詩一首

宿金河戍

朝發鐵麟驛夕宿金河戍奔波急王程一日千里路但

見容鬢改不知歲華暮悠悠沙漠行王事彌多故

丘光庭

丘光庭吳興人國子博士集三卷今存詩七首

補新宮 并序 解

新宮成室也宮室畢乃祭而落之又與羣臣賓客  
燕飲謂之成也 昭二十五年左傳叔孫昭子聘  
于宋公享之賦新宮又燕禮升歌鹿鳴下管新宮  
今詩序無此篇蓋孔子返魯之後其詩散逸採之

不得故也三百之篇孔子既已刪定子夏從而序之其序不冠諸篇別為編簡縱其辭尋逸則厥義猶存若南陔白華之類故束皙得以補之惟此新宮則辭義俱失苟非精考難究根源按新者有舊之辭也新作南門新作延殿是也宮者居處燕遊宗廟之總稱也士蒞城絳以深其宮梁伯溝其公宮居處之宮也楚之章華晉之虎祁燕遊之宮也成三年新宮災禰廟之宮也然則正言新宮居處

之宮也蓋文王作豐之時新建宮室宮室初成而祭之因之以燕賓客謂之為考考成也若宣王斯干考成室之類是也亦謂之落落者以酒澆落之也若楚子成章華之臺願與諸侯落落之類是也因此之時時人歌詠其美以成篇章故周公採之為燕享歌焉必知此新宮為文王詩者以燕禮云下管新宮下管者堂下以笙奏詩也鄉飲酒禮云工升而歌鹿鳴四牡皇皇者華歌訖笙入立于堂下

奏南陔白華華黍笙之所奏例皆小雅皆是文王之詩新宮既為下管所奏正與南陔事同故知為文王詩也知非天子詩者以天子之詩非宋公所賦下管所奏故也知非諸侯詩者以諸侯之詩不得入雅當在國風故也知非禘廟詩者以禘廟之詩不可享賓故也知非燕遊之宮詩者以燕遊之宮多不如禮其詩必當規刺規刺之作是為變雅享賓不用變雅故也由此而論則新宮為文王之

詩亦已明矣或問曰文王既非天子又非諸侯為  
何事也答曰周室本為諸侯文王身有聖德當殷  
紂之代三分天下之衆二分歸周而文王猶服事  
紂武王克殷之後謚之曰文追尊為王其詩有風  
馬周召南是也有小雅焉鹿鳴南陔之類是也有  
大雅焉大明棫樸之類是也有頌焉清廟我將之  
類是也四始之中皆有詩者以其國為諸侯身行  
王道薨後追尊故也新宮既為小雅今依其體以

補之云爾

奐奐新宮禮樂其融爾德惟賢爾缺惟忠為忠以公斯

筵是同人之醉我與我延賓第四句缺一字

奐奐新宮既奐而輪其固如山其儼如雲其寢斯安缺

分我既考落以燕羣臣第六句缺三字

奐奐新宮既祭既延我缺鏞于以醉賢有禮無愆我

有斯宮斯宮以安康後萬年第三句缺二字

新宮三章章八句



補茅鷦并序 解

茅鷦刺食祿而無禮也在位之人有重祿而無禮  
度君子以為茅鷦之不若作詩以刺之 襄二十  
八年左傳齊慶封奔魯叔孫穆子食慶封慶封汜  
祭穆子不說使工為之諷茅鷦杜元凱曰茅鷦逸  
詩刺不敬也凡詩先儒所不見者皆謂之逸不分  
其舊亡與刪去也臣以茅鷦非舊亡蓋孔子刪去  
耳何以明之按襄二十八年孔子時年八歲記曰

男子十年出就外傳學書記十有三年學樂誦詩舞  
勺論語曰吾十有五而志於學則慶封奔魯之日  
與孔子就學之年其間相去不遠其詩未至流散  
况周禮盡在魯國孔子賢于叔孫豈叔孫尚得見  
之而孔子反不得見也由此而論茅鴟之作不合  
禮又為依孔子刪去亦已明矣或曰安知新宮不  
為刪去耶荅曰新宮為周公所收燕禮所用不與  
茅鴟同也曰茅鴟為風乎為雅乎非雅也風也何

以言之以叔孫大夫所賦多是國風故也今之所  
補亦體風焉

茅鷓茅鷓無集我岡汝食汝飽莫我為祥願彈去汝來  
彼鳳凰來彼鳳凰其儀有章

茅鷓茅鷓無啄我雀汝食汝飽莫我肯略願彈去汝來  
彼瑞鵲來彼瑞鵲其音可樂

茅鷓茅鷓無搏鷓鷓汝食汝飽莫我為休願彈去汝來  
彼鷓鷓來彼鷓鷓食子其周

茅鴟茅鴟無噓我陵汝食汝飽莫我好聲願彈去汝來  
彼蒼鷹來彼蒼鷹祭鳥是徵

茅鴟四章章八句

武翊黃

武翊黃府選為解頭及第為狀頭宏詞為勅頭時號武  
氏三頭詩一首

瑕瑜不相掩

抱璞應難辨妍媸每自融貞姿偏特達微玷遇磨礱涇

渭流終異瑕瑜自不同半曾光透石未掩氣如虹  
縝密誠為智包藏豈謂忠停看分美惡今得值良工

李祐

李祐江南錄事參軍纂之子詩一首

袁江口懷王司勳王吏部

京華不啻三千里客淚如今一萬雙若箇最為相憶處  
青楓黃竹入袁江

韓嶼

韓嶼祠部郎中詩一首

贈進士李守微

一定童顏老歲華  
貧寒游歷貴人家  
煉成正氣功應大  
養得元神道不差  
烏曳鶴毛乾毳杖  
携筇節瘦槎  
如何蓬閣不歸去  
落盡蟠桃幾度花

李茂復

李茂復泗州刺史詩二首

馬上有見

行盡疎林見小橋  
綠楊深處有紅蕉  
無端眼界無分別  
安置心頭不肯銷

自歎

落日西山近一竿  
世間恩愛極難拚  
近來不作顛狂事  
免被冤家惡眼看

李曜

李曜官尚書嘗為歙州刺史詩一首

贈吳圓

抒情詩曜罷歙州與吳圓交代有酒錄  
事名媚川明慧曜頗留意托圓令存郵

有詩云

經年理郡少歡娛為習干戈間飲徒今日臨行盡交割  
分明收取媚川珠

吳圓

吳圓歙州刺史詩一首

荅李曜

曳履優容日日歡須言達德倍沈瀾韶光今已輸先手

領得蠙珠掌上看

韶光營籍妓名



陸弘休

陸弘休桂府從事詩一首

和訾家洲宴游

新春藥綻訾家洲信是南方最勝游  
酒滿百分殊不怕  
人添一歲更堪愁  
鶯聲暗逐歌聲艷  
花態還隨舞態羞  
莫惜今朝同酌酌  
任他龜鶴與蜉蝣

安一作鄭錡

安錡普州從事詩一首

題賈島墓

倚恃才難繼，昂藏貌不恭。  
騎驢衝大尹，奪卷忤宣宗。  
馳譽超先輩，居官下我儂。  
司倉舊曹署，一見一心忡。

油蔚

油蔚淮南幕，職奉使塞北詩一首

贈別營妓卿卿

憐君無那是多情，枕上相看直到明。  
日照綠窓人去住，鴉啼紅粉淚縱橫。  
愁腸只向金閨斷，白髮應從玉塞生。

為報花時少惆悵此生終不負卿卿

胡玠一作沔

胡玠隱廬山苦心五言李騰廉問江西弓旌不至人惜  
之詩三首

巢燕

燕來巢我簷我屋非高大所貴兒童善保爾無殃禍莫  
巢孀婦家孀婦怨孤坐妬爾長雙飛打爾危巢破

廬山桑落洲

莫問桑田事但看桑落洲數家新住處昔日大江流古  
岸崩欲盡平沙長未休想應百年後人世更悠悠

石楠樹

本是清江石上生移栽此處

地一作

稱閑情青雲士盡識

珍木白屋人多喚俗名重布綠陰滋蘚色深歲好鳥引  
雛聲余今一日千迴看每度看來眼益明

句

輪中別有物光外更無空

詠月

盧汪

盧汪家荆南舉進士二十上不第詩二首

酒胡子

同心相遇思同歡  
擎出酒胡當玉盤  
盤中餽飢不自定  
四座清賓注意看  
可亦不在心  
否亦不在面  
狗客隨時自圓轉  
酒胡五藏屬他人  
十分亦是無情勸  
爾不耕亦不飢  
爾不蠶亦有衣  
有眼不能分黼黻  
有口不能明是非  
鼻何尖眼何碧  
儀形本非天地力  
雕鐫匠意苦多端

翠帽朱衫巧裝飾長安斗酒十千酤劉伶平生為酒徒  
劉伶虛向酒中死不得酒池中拍浮酒胡一滴不入眼  
空令酒胡名酒胡

西施

惆悵興亡繫綺羅世人猶自選青娥越王解破夫差國  
一箇西施已是多

胡幽貞

胡幽貞四明人自號無生居士詩二首

題西施浣紗石

一朝入紫宮萬古遺芳塵至今溪邊花不敢嬌青春

歸四明

海色連四明仙舟去容易天籍豈輒問不是卑朝士

狄煥

狄煥字子炎梁公仁傑之後隱於南岳詩三首

送人游邵州

春江正渺渺送別兩依依煙裏櫂將遠渡頭人未歸漁

家侵疊浪島樹挂殘暉况入湖湘路那堪花亂飛

題柳

天南與天北此處影婆娑翠色折不盡離情生更多雨  
餘籠灞岸煙暝夾隋河自有佳名在秦松繼得麼

詠南嶽徑松

一陣雨聲歸嶽嶠兩條寒色下瀟湘客吟晚景停孤櫂  
僧踏清陰徹上方

句



數點當秋霽不知何處峰石樓曉望更無聲接續空有影

相隨

孤雁見詩話拾遺

韓溉

韓溉江南人詩一卷今存七首

潯陽觀水

一作韓喜詩

朝宗漢水接陽臺  
哈呀填坑吼作雷  
莫見九江平穩去  
還從三峽嶮巖來  
南經夢澤寬浮日  
西出岷山劣泛杯  
直至滄溟涵貯盡  
沈深不動浸昭回

水

一作韓  
喜詩

方圓不定性空求

一作柔

東注滄溟早晚休高截碧塘長

耿耿遠飛青嶂更悠悠瀟湘月浸千年色夢澤烟含萬  
古愁別有嶺頭嗚咽處為君分作斷腸流

松

倚空高檻冷無塵往事閑徵夢欲分翠色本宜霜後見  
寒聲偏向月中聞啼猿想帶蒼山雨歸鶴應和紫府雲  
莫向東園競桃李春光還是不容君

柳

雪盡青門弄影微  
暖風遲日早鶯歸  
如憑細葉留春色  
須把長條繫落暉  
彭澤有情還鬱鬱  
隋堤無主自依依  
世間惹恨偏饒此  
可是行人折贈稀

竹

樹色連雲萬葉開  
王孫一作家不厭滿庭栽  
凌霜盡節無

人見終日虛心待  
鳳來誰許風流添  
興詠自憐瀟灑出

塵埃朱門處處多  
閑地正好移陰覆  
一作結翠苔

鵲

纔見離巢羽翼開，盡能輕颺出塵埃。  
人間樹好紛紛占，天上橋成草草回。  
幾度送風臨玉戶，一時傳喜到妝臺。  
若教顏色如霜雪，應與清平作瑞來。

燈

一作韓喜詩

分影由來恨不同，綠窗孤館兩何窮。  
熒煌短焰長疑暗，零落殘花旋委空。  
幾處隔簾愁夜雨，誰家當戶怯秋風。  
莫言明滅無多重，曾比人生一世中。

句

門掩落花人別後  
窓含殘月酒醒時  
吟愁詩見  
窓雜錄

金昌緒

金昌緒餘杭人詩一首

春怨

一作伊  
州歌

打起黃鶯兒  
一作莫教枝上啼  
一作啼時幾迴  
驚妾夢不得

到遼西

曾麻幾

曾麻幾吉州人詩一首

放猿

孤猿鎖檻歲年深  
放出城南百丈林  
綠水任從聯臂飲  
青山不用斷腸吟

御定全唐詩卷七百六十八

欽定四庫全書

御定全唐詩卷七百六十九

鄭軌

詩一首 以下無  
世次爵里可考

觀兄弟同夜成婚

棠棣開雙萼天桃照兩花  
分庭含佩響隔扇偶妝華  
迎風俱似雪映綺共如霞  
今宵二神女并在一仙家

劉戩

詩一首

夏彈琴

一作劉希戩詩  
一作劉希夷詩

碧山本岑寂素琴何清幽  
彈為風入松崖谷颯已秋  
庭鶴舞白雪泉魚躍洪流  
予欲娛世人明月難暗投  
感歎未終曲淚下不可收  
嗚呼鍾子期零落歸荒丘  
死而若有知魂兮從我游

楊齊哲詩一  
首

過函谷關

地險峭函北途經分陝東  
逶迤衆山盡荒涼古塞空  
河光流曉日樹影散朝風  
聖德今無外何處是關中



劉東道詩一

首

傷死奴

丹籍生涯淺黃泉歸路深不及江陵樹千秋長作林

楊希道詩五

首

侍宴賦得起坐彈鳴琴二首

此下俱互見  
楊師道集

北林鵲夜飛南軒月初進調絃發清徵蕩心祛褊悵變  
作離鴻聲還入思歸引長歎未終極秋風飄素鬢

絲傳園客意曲奏楚妃情罕有知音者空勞流水聲

詠琴

久擅龍門質孤竦嶧陽名齊娥初發弄趙女正調聲嘉  
客勿遽反繁絃曲未成

詠笙

短長插鳳翼洪細摹鸞音能令楚妃歎復使荆王吟切  
切孤竹管來應雲和琴

詠舞

二八如同雪三春類早花分行向燭轉一種逐風斜

王勣詩三首

詠妓此下詩俱互見王績集

妖姬飾靚妝窈窕出蘭房日照當軒影風吹滿路香  
時歌扇薄今日舞衫長不應令曲誤持此試周郎

益州城西張超亭觀妓

落日明歌席行雲逐舞人江前飛暮雨梁上下輕塵冶  
服看疑畫妝臺望似春高車勿遽返長袖欲相親

辛司法宅觀妓

南國佳人至北堂  
羅薦開長裙隨鳳管  
促柱送鸞杯雲  
光身後落雪態掌中  
回到愁金谷晚不怪  
玉山頽

郭恭詩一

秋池一枝蓮

秋至皆零落  
凌波獨吐紅  
託根方得所未肯  
即隨風

張烜詩一

婕妤怨

賤妾裁紈扇  
初搖明月姿  
君王看舞席  
坐起秋風時  
玉

樹清御路金陳翳垂絲  
昭陽無分理愁寂任前期

張修之詩一  
首

長門怨

一作張循之詩

長門落景盡洞房秋月明  
玉階草露積金屋網塵生  
妾妒今應改君恩昔未平  
寄語臨邛客何時作賦成

梁獻首詩一

王昭君

圖畫失天真容華坐誤人  
君恩不可再妾命在和親  
淚

點闕山月衣銷邊塞塵一聞陽鳥至思絕漢宮春

符子珪詩一

首

芳樹

芳樹宜三月瞳瞳艷綺年香交珠箔氣陰占綠庭烟小  
葉風吹長繁花露濯鮮遂令穠李貌折取簪花鈿

李何詩一

首

觀妓

向晚小乘遊朝來新上頭從來許長袖未有客難留

鄭縱詩四首

邯鄲俠少年

夜渡濁河津  
衣中劍滿身  
兵符劫晉鄙  
匕首刺秦人  
執事非無膽  
高堂念有親  
昨緣秦苦趙  
來往大梁頻

玉階怨

昔日同飛燕  
今朝似伯勞  
情深爭擲果  
寵罷怨殘桃  
別殿春心斷  
長門夜樹高  
雖能不自悔  
誰見舊衣褒

婕妤怨

南國承歡日東方候曉時那能如褒如祇愛笑唐兒寶  
葉隨雲鬢珠絲鍛履綦不知飛燕意何事苦相疑

入塞曲

留滯邊庭久歸思歲月賒黃雲同入塞白首獨還家宛  
馬隨秦草胡人問漢花還傷李都尉獨自沒黃沙

紇干著詩四首

賞殘花

零落多依草芳香散著人低簷一枝在猶占滿堂春



古仙詞

珠幡絳節曉霞中  
漢武清齋待少翁  
不向人間戀春色  
桃花自滿紫陽宮

感春詞

未得鳴珂謁漢宮  
江頭寂寞向春風  
悲歌一曲心應醉  
萬葉千花淚眼中

灞上

鳴鞭晚日禁城東  
渭水晴烟灞岸風  
都傍柳陰回首望

春天樓閣五雲中

李習詩一

凌雲寺

古寺臨江間碧波石梯深入白雲窠僧禪寂寂無人跡

滿地落花春又過

顏舒詩一

鳳棲一作樓怨

佳人名莫愁珠箔上花鉤清鏡鴛鴦匣新妝翡翠樓

衣明月夜吹管白雲秋惟恨金吾子年年向隴頭

朱絳

詩一首

春女怨

獨坐紗窓刺繡遲紫荊花下轉黃鸝欲知無限傷春意  
盡在停針不語時

徐璧

詩一首

失題

雙燕今朝至何時發海濱窺簷向人語  
如道

一作窺人  
向簷語

故鄉春

徐安期詩一

催妝

傳聞燭一作燈下調紅粉明鏡臺前別作春不須面上一作

滿一作面渾妝却留著雙眉待畫人

裴延詩一

隔壁聞奏伎一作陳蕭琳詩

徒聞管絃切不見舞腰回賴有歌梁合塵飛一半來

詠翦花

花寒未聚蝶色豔已驚人懸知陌上柳應妒手中春

陳述詩一  
首

歎美人照鏡

插花枝共動含笑靨俱生衫分兩處色一作衫釧響一邊

聲就中還如影恐奪可憐名

朱琳詩一  
首

開緘怨

夫婿邊庭久幽閨恨幾重玉琴知別日金鏡識愁容  
嬾寄雲中服慵開海上封年年得衣慣且試莫裁縫

謝陶

詩一首

雜言

天不與人言禍福能自至水火雖活人暫不得即死  
蹈之赫斯須憑之溺容易水火與禍福豈有先言耳

何贊

詩一首

書事

果決生涯向路中西投知己話從容雲遮劍閣三千里  
水隔瞿塘十二峰閣步文翁坊裏月閑尋杜老宅邊松  
到頭須卜林泉隱自愧無能繼臥龍

解彥融詩一

首

鴈塔

開元八年清河傳  
巖題此詩於鴈塔

崢嶸徹倒景刻峭俯無地勇進攀有緣即嶮恐迷墜宵  
然喪五蘊蠢爾懷萬類實際因他尋波羅必可致南山  
繚上苑祇樹連巖翠北斗臨帝城扶宮切太清餐和禪

日用味道懿天明綠野冷風浹紫微佳氣晶駟禽演法  
要忍草藉經行本願從茲適方知物世輕

御定全唐詩卷七百六十九



欽定四庫全書

御定全唐詩卷七百七十

董初詩一  
首

昭君怨

新年猶尚小那堪遠聘秦  
裾衫沾馬汗眉黛染胡塵  
舉眼無相識路逢皆異人  
唯有梅將李猶帶故鄉春

一作董思

恭詩

賀朝清詩二  
首

南山

一作賀朝詩

湖北雨初晴  
湖南山盡見  
岵岵石帆影  
如得海風便  
仙穴茅山峰  
彩雲時一見  
邀君共探此  
異錄殘幾卷

賦得遊人久不歸

一作劉孝孫詩  
又作賀朝詩

鄉關耿天末  
引領悵懷歸  
羈旅久淫滯  
物色屢芳菲  
稍覺私意盡  
行看鬢髮稀  
如何千里外  
佇立霑裳衣

楊衡詩二首

白紵辭

此二首又見貞元進士楊衡  
集中詩紀詩所俱編入初唐

玉纓翠珮雜輕羅香汗微漬朱顏酡為君起唱白紵歌  
清聲裏雲思繁多凝笳哀琴時相和金壺半傾芳夜促  
梁塵霏霏暗紅燭令君安坐聽終曲墜葉飄花難再復  
躡珠履步瓊筵輕身起舞紅燭前芳姿豔態妖且妍迴  
眸轉袖暗催弦涼風蕭蕭漏一作流水急月華泛溢紅蓮  
濕牽裙攬帶翻成泣

唐暄詩三首

還渭南感舊二首

寢室悲長簟妝樓泣鏡臺獨悲桃李節不共一時一作夜泉

開魂兮若有感髣髴夢中來

常時華室靜笑語度更籌恍惚人事改冥漠委荒丘陽  
原歎薤露陰壑悼歲舟清夜妝臺月空想畫眉愁

贈亡妻張氏

嶧陽桐半死延津劍一沈如何宿昔內空負百年心

李韶詩一首

題司空山觀

梁代真人上紫微水盤山脚五雲飛松杉老盡無消息  
猶得千年一度歸

韋鵬翼

詩一首

戲題盱眙壁

豈肯閑尋竹徑行却嫌絲管好蛙聲自從煮鶴燒琴後  
背却青山臥月明

安鴻漸

詩一首

題楊少卿書後

端溪石硯宣城管王屋松煙紫兔毫更得孤卿老書札  
人間無此五般高

李延陵詩一  
首

自紫陽觀至華陽洞宿侯尊師草堂簡同遊

石林媚煙景句曲盤江甸南向佳氣濃峰峰遙隱見漸  
臨華陽口微路入葱蒨七曜懸洞宮五雲抱山殿銀函  
意誰發金液徒堪薦千載桃花春

一作空  
桃花

秦人深不見

東溪喜相遇貞白如會面青鳥來去閑紅霞朝夕變一

從化真骨萬里乘飛電  
蘿月延步虛松花醉閑晏  
幽人即長往茂宰應交戰  
明發歸琴堂知君嬾為縣

秦尚運詩一  
首

題鍾雅青紗枕

陰香裝豔入青紗  
還與歌眠好事家  
夢裏却成山色雨  
沈山不敢鬪青華

張仲謀詩一  
首

題搔口

嘗聞燒尾便擎空只過天門更一重大禹未生門未鑿  
可能天下總無龍

馮少吉

詩一首

山寺見楊少卿書壁因題其尾

少卿真跡滿僧居祇恐鍾王也不如為報遠公須愛惜  
此書書後更無書

殷陶

詩一首

經杜甫舊宅



浣花溪裏花多處為憶先生在蜀時萬古只應留舊宅  
千金無復換新詩沙棚水檻鷗飛盡樹壓村橋馬過時  
山月不知人事變夜來江上與誰期

羅炯

詩一首

行縣至浮查寺

一作羅炯詩

二十年前此布衣鹿鳴西上虎符歸行時賓從光前事  
到處松杉長舊圍野老競遮官道拜沙鷗遙避隼旗飛  
春風一宿琉璃地自有泉聲愜素機

韓雄詩一  
首

敕和元相公家園即事寄王相公

共列中台貴能齊物外心  
迴車青閣晚解帶碧芳深夜  
水隨畦入晴花度竹尋題詩  
更相應一字重千金

苗仲方詩一  
首

仲秋太常寺觀公輅車拜陵

南宮初開律金風已戒涼  
拜陵將展敬車輅儼成行  
士庶觀祠禮公卿習舊章  
郊原佳氣引園寢瑞煙長  
鹵簿

辭丹闕威儀列太常  
聖心何所寄惟德在無忘

陳嶰詩一  
首

尋易尊師不遇

爛熳紅霞光照衣  
苔封白石路微微  
華陽洞裏何人在  
落盡松花不見歸

張起詩二  
首

早過黎嶺喜雪書情呈崔判官

度嶺逢朝雪行看馬跡深  
輕標南國瑞寒慰北人心  
皎

潔停丹嶂飄飄映綠林共君歌樂土無作白頭吟

春情

畫閣餘寒在新年舊燕歸梅花猶帶雪未得試春衣

陳政首一

贈竇蔡二記室入蜀

崑山積良寶大厦構衆材馬卿委官去鄒子背淮來風  
流信多美朝夕豫平臺逸翮獨不羣清才復道上六輔  
昔推名二江今振響英華雖外發磨琢終內朗四海奮

羽儀清風久播馳沈鬱林難厠青山翻易阻迴首望煙霞誰知慕儔侶飄然不繫舟為情自可求若奉西園夜浩想北園愁無因逐萍藻從爾泛清流

李建業

詩一首

採菊

簇簇竟相鮮一枝開幾番味甘資麴蘖香好勝蘭蓀古道風搖遠荒籬露壓繁盈筐時採得服餌近知門

羅維

詩一首

水精環

王室符長慶環中得水精任圓循不極見素質仍貞信  
是天然瑞非因樸斲成無瑕勝玉美至潔過冰清未肯  
齊珉價寧同雜佩聲能銜任黃雀亦欲應時明

殷益詩一  
首

看牡丹

擁毳對芳叢由來趣不同髮從今日白花是去年紅豔  
色隨朝露馨香逐晚風何須待零落然後始知空

李得詩一  
首

賦得垣衣

漠漠復霏霏為君垣上衣  
昭陽輦下草應笑此生非  
掩藹青春去蒼茫白露稀  
猶勝萍逐水流浪不相依

王邵詩一  
首

冬晚對雪憶胡處士

寒更傳唱晚清鏡覽衰顏  
隔牖風驚竹開簾雪滿山  
灑空深巷靜積素廣庭閑  
借問袁安舍翛然尚閉關

曹脩古

詩一首

池上

荷葉罩芙蓉  
圓青映嫩紅  
佳人南陌上  
翠蓋立春風

朱子真

詩一首

對趙穎歌

人間幾日變桑田  
誰識神仙洞裏天  
短促雖知有殊異

且須歡醉

笑一作

在生前

嚴郭

詩一首



賦百舌鳥

此禽輕巧少同倫  
我聽長疑舌滿身  
星未沒河先報曉  
柳猶粘雪便迎春  
頻嫌海燕巢難定  
却訝林鶯語不真  
莫倚清風更多事  
玉樓還有晏眠人

張子明

詩一首

孤雁

隻影翩翩下碧湘  
傍池鴛鴦宿銀塘  
雖逢夜雨迷深浦  
終向晴天著舊行  
憶伴幾回思片月  
蛻翎多為繫籜霜

江南塞北俱闕念兩地飛歸是故鄉

李謹言

詩二首

水殿拋毬曲二首

侍宴黃昏曉未休玉階夜色月如流  
朝來自覺承恩最笑倩傍人認繡毬

堪恨隋家幾帝王舞裊揉盡繡鴛鴦  
如今重到拋毬處不是金鑪舊日香

吳燭

詩一首

銅雀妓

秋色西陵滿綠蕪  
繁絃急管強歡娛  
長舒羅袖不成舞  
却向風前承淚珠

張保嗣詩一  
首

戲示諸妓

綠羅裙上標三棒  
紅粉腮邊淚兩行  
抄手向前咨大使  
這回不敢惱兒郎

潘圖詩一  
首

末秋到家

歸來無所利骨肉亦不喜黃犬却有情當門卧搖尾

潘佐詩一

送人往宣城

江畔送行人千山生暮氛謝安團扇上為畫敬亭雲

李逸詩一

洛陽河亭奉酬留守郡公追送

一作李益詩

離亭餞落暉臘酒減征衣歲晚煙霞重川寒雲樹微戎

裝千里至舊路十年歸還似汀洲雁相逢又背飛

沈麟詩一  
首

送道士曾昭瑩

南北東西事人間會也無昔曾棲玉笥今也返玄都雪  
片隨天闊泉聲落石孤丹霄人有約去採石菖蒲

安鳳詩一  
首

贈別徐侃

一自離鄉國十年在咸秦泣盡卞和血不逢一故人今

日舊友別羞此漂泊身離情吟詩處麻衣掩淚頻淚別  
各分袂且及來年春

李倫詩一  
首

顧城

世久荒墟在白雲幾代耕市廛新草綠里社故煙輕不  
謹懼天討來蘇豈忿兵誰云殷鑒遠今古在人程

盧子發詩一  
首

金錢花

輪廓休誇四字書  
紅窠寫出對庭除  
時時買得佳人笑  
本色金錢却不如

王夢周詩一

首

故白巖禪師院

能師還世名還在  
空閉禪堂滿院苔  
花樹不隨人寂寞  
數株猶自出牆來

孫咸詩一

首

題九天使者廟

又見識  
記卷

獨入玄宮禮至真  
焚香不為賤  
貧身秦淮兩岸沙  
埋骨  
湓浦千家血染塵  
廬阜煙霞誰是主  
虎溪風月屬何人  
九江太守勤王事  
好放天兵渡要津

李澣詩一

房公舊竹亭聞琴

石室寒飈警  
孫枝雅器裁  
坐來山水操  
絃斷弔塵埃

錢戲詩一

清溪館作



指途清溪裏左右唯深林雲蔽望鄉處雨愁為客心遇  
人多物役聽鳥時幽音何必滄浪水庶茲浣塵襟

韋道遜詩一  
首

晚春宴

日斜賓館晚春輕麥候初簷暄巢幕燕池躍戲蓮魚石  
聲隨流響桐影傍巖疎誰能千里外獨寄八行書

王揆詩一  
首

長沙六快詩

湖外風物奇長沙信難續衡峰排古青湘水湛寒綠舟  
檝通大江車輪會平陸昔賢官是邦仁澤流豐沃今賢  
官是邦刻啗人脂肉懷昔甘棠花傷今猛虎毒然此一  
郡內所樂人纔六漕與二憲僚守連兩通屬高堂日暮  
會深夜繼以燭幃幙皆綺紈器皿盡金玉歌喉若珠纍  
舞腰如素束千態與萬狀六人歡不足因成快活詩薦  
之堯舜目

王言史

詩一首

廣州王園寺伏日即事寄北中親友

南越逢初伏東林度一朝  
曲池煎畏景高閣絕微颺  
竹簟移先灑蒲葵破復搖  
地偏毛瘴近山毒火威饒  
衰汗絺如濯親牀枕並燒  
墮枝傷翠羽萎葉惜紅蕉  
且困流金熾難成獨酌謠  
望霖窺潤礎思吹候織條  
旅恨生烏澣鄉心繫浴橋  
誰憐在炎客一夕壯容銷

御定全唐詩卷七百七十

欽定四庫全書

御定全唐詩卷七百七十一

宋雍

一作邕詩二首以  
下爵里世次俱無考

春日

輕花細葉滿林端  
昨夜春風曉色寒  
黃鳥不堪愁裏聽  
綠楊宜向雨中看

失題

斜雨飛絲織晚風  
疎簾半捲野亭空  
荷花開盡秋光晚

零落殘紅綠沼中

戴休珽

詩一首

古意

窮秋朔風起滄海愁陰漲虜騎掠河南漢兵屯灞上羽  
書驚沙漠刁斗喧亭障關塞何蒼茫遙烽遞相望弱齡  
負竒節俠客多招訪投筆棄繻一作書生提戈逐飛將拔  
劍照霜白怒髮衝冠壯會立萬里功視君封侯相

盧鈺

詩一首

勗曹生

桑扈交飛百舌忙  
祖亭聞樂倍思鄉  
尊前有恨慚卑宦  
席上無慘愛艷妝  
莫為狂花迷眼界  
須求真理定心王  
遊蜂採掇何時已  
祇恐多言議短長

趙搏詩二首

琴歌

綠琴製自桐孫枝  
十年窗下無人知  
清聲不與衆樂雜  
所以屈受塵埃欺  
七絃脆斷蟲絲朽  
辨別不曾逢好手

琴聲若似琵琶聲賣與時人應已久玉徽冷落無光彩  
堪恨鍾期不相待鳳嘯吟幽鶴舞時撚弄錚鏘聲亦在  
向曾守貧貧不徹賤價與人人不別前迴忍淚却收來  
泣向秋風兩條血乃知凡俗難可名輕者却重重者輕  
真龍不聖土龍聖鳳皇啞舌鴟鴞鳴何殊此琴哀怨苦  
寂寞沈埋在幽戶萬重山水不肯聽俗耳樂聞人打鼓  
知君立身待分義驅喝風雷在平地一生從事不因人  
健步穿雲皆自致不辭重拂弦上塵市廛不買多讒人



莫辭憔悴與買取為君一曲號青春

廢長行

辨其惑於無益之  
戲而不務恤民也

紫牙鏤合方如斗二十四星銜月口貴人迷此華筵中  
運木手交如陣鬪不算勞神運枯木且廢為官恤惻獨  
門前有吏嚇孤窮欲訴門深抱冤哭耳厭人催坐衙早  
纔聞此戲身先到理人似愛長行心天下安平多草草  
何當化局為明鏡挂在高堂辨邪正何當化子作筆鋒  
常在手中行法令莫令終日迷如此不治生民負天子

張安石

有涪江集一卷  
今存詩二首

玉女詞

綺薦銀屏空積塵  
柳眉桃臉暗銷春  
不須更學陽臺女  
為雨為雲趁惱人

苦別

向前不信別離苦  
而今自到別離處  
兩行粉淚紅闌干  
一朶芙蓉帶殘露

蔣吉

詩十  
五首

石城

繫纜石城下恣吟懷暫開  
江人橈艇子將謂莫愁來

漢東道中

九十九岡遙天寒雪未消  
羸童牽瘦馬不敢過危橋

高溪有懷

駐馬高溪側旅人千里情  
雁山山水還作此泉聲

寄進士賈希

恨苦淚不落耿耿東北心  
空囊與瘦馬羈縶意應深

出塞

瘦馬羸童行背秦暮鴉撩亂入殘雲北風吹起寒營角  
直至榆關人盡聞

旅泊

霜月正高鸚鵡洲美人清唱發紅樓鄉心暗逐秋江水  
直到吳山脚下流

次青雲驛

馬轉櫟林山鳥飛商溪流背殘暉行人幾在青雲路

底事風塵猶滿衣

大庾驛有懷

一囊書重百餘斤  
郵吏寧知去計貧  
莫訝偏吟望鄉句  
明朝便見嶺南人

題商山修路僧院

此地修行山幾枯  
草堂生計只餅盂  
支郎既解除艱險  
試看人心平得無

題長安僧院

出門爭走九衢塵，總是浮生不了身。  
惟有水田衣下客，大家忙處作閒人。

次商於感舊寄盧中丞

昔年簪組隘丘門，今日旌幢一院存。  
何事商於淚如雨，小儒偏受陸家恩。

樵翁

獨入深山信脚行，慣當羆虎不曾驚。  
路旁花發無心看，惟見枯枝刮眼明。

四老廟

無端捨釣學干名不得溪山養性情  
自省此身非達者  
今朝羞拜四先生

昭君冢

曾為漢帝眼中人今作狂胡陌上塵  
身死不知多少載  
冢花猶帶洛陽春

聞歌竹枝

巡隄聽唱竹枝詞正是月高風靜時  
獨向東南人不曾

弟兄俱在楚江湄

周濟詩四首

重門曲

憔悴容華怯對春  
寂寥宮殿鎖閒門  
此身却羨宮中樹  
不失芳時雨露恩

山下水

背雲衝石出深山  
淺碧泠泠一帶寒  
不獨有聲流出此  
會歸滄海助波瀾



逢鄰女

日高鄰女笑相逢  
慢束羅裙半露胸  
莫向秋池照綠水  
參差羞殺白芙蓉

廢宅

牢落畫堂空鎖塵  
荒涼庭樹暗消春  
豪家莫笑此中事  
曾見此中人笑人

御定全唐詩卷七百七十一

欽定四庫全書

御定全唐詩卷七百七十二

趙起

詩一首

世次爵里可考

以下無

奉和登會昌山應制

一作錢起詩

睿想入希夷真游到具茨玉鸞登嶂遠雲輅出花遶泉  
壑凝神處陽和布澤時六龍多順動四海正雍熙

王瓚

詩二首

冬日與羣公泛舟焦山

江外水

一作水初

不凍今年寒復遲衆芳且未歇近臘仍裊

衣載酒適我情興來趣漸微方舟大川上環酌對落暉

兩片青石稜波際無因依三山安可到欲到風引歸滄

溟壯觀多心目豁暫時况得窮日夕乘槎何所之

縱步不知遠夕陽猶未回好花隨處發流水趁人來

慕容韋

詩一首

度揭鴻嶺

漳州

閩越曾為塞將軍舊置營我歌空感慨西北望神京

黃文詩一  
首

湘江

瀟湘江頭三月春  
柳條弄日搖黃金  
鷓鴣一聲在何許  
黃陵廟前煙靄深  
丹青欲畫無好手  
穩提玉勒沈吟久  
馬蹄不為行客留心  
挂長林屢回首

唐溫如詩一  
首

題龍陽縣青草湖

西風吹老洞庭波  
一夜湘君白髮多  
醉後不知天在水

滿船清夢壓星河

歐陽賓

一作贖  
詩一首

訾家洲

舊業分明桂水頭  
人歸業盡水東流  
春風日暮江頭立  
不及漁人有釣舟

何敬

詩一首

題吉州龍溪

龍溪之山秀而峙  
龍溪之水清無底  
狂風激烈翻春濤

薄霧冥濛溢清泚奔流百折銀河通落花滾滾浮霞紅  
四時佳境不可窮彷彿直與桃源通

楊彝

詩一首

過睦州青溪渡

天濶銜江雨冥冥上客衣潭清魚可數沙晚鴈爭飛川  
谷留雲氣鵜鶘傍釣磯飄零江海客歌側一帆歸

裴瑤

詩一首

闔閭城懷古

五湖春水接遙天國破君亡不記年惟有妖娥曾舞處  
古臺寂寞起愁煙

鄭玉詩一  
首

葦谷

水會三川漾碧波雕陰人唱採花歌舊時白翟今荒壤  
葦谷淒淒風雨多

麻溫其詩一  
首

登岳陽樓



湖邊景物屬秋天樓上風光似去年仙侶緱生留福地  
湘娥帝子寄哀絃雲門自繞軒臺外木葉偏飛楚客前  
極目江山何處是一帆萬里信歸船

韋鎰詩一  
首

經望湖驛

大漠無屯雲孤峯出亂柳前驅白登道顧失飛狐口遙  
憶代王城俯臨恒山後纍纍多古墓寂寞為墟久豈不  
固金湯終聞擊銅斗交懽初仗信接讌翻貽咎埋寶賊

夫人磨笄傷彼婦功成行且薄義立名不朽莫慎纖微  
端其何社稷守身歿國遂亡此立人君醜

謝太虛詩一  
首

杪秋洞庭懷王道士

漂泊日復日洞庭今更秋青桃亦何意此夜催人愁  
悵客中月裴回江上樓心知楚天遠目送滄波流謝客  
久已滅微言無處求空餘白雲在客興隨孤舟千里杳  
難盡一身常獨游故園復何許江漢徒遲留

周岳秀詩一首

君山祠

萬頃湖波浸碧天  
旌封香火幾千年  
風濤澎湃魚龍舞  
棟宇崢嶸燕雀遷  
遠岫光中濃淡樹  
斜陽影裏往來船  
江河願借吹噓便  
應有神功在目前

馬逢詩五首

新樂府

溫谷春生至宸遊  
近甸榮雲隨天上  
轉風入御筵  
輕翠

蓋浮佳氣朱樓依太清朝臣冠劍退宮女管弦迎

部落曲

蕃軍傍塞遊代馬噴風秋老將垂金甲關支著錦裘  
弋蒙豹尾紅旆插狼頭日暮天山下鳴笳漢使愁

從軍

漢馬千蹄合一羣單于鼓角隔山聞沙塢風起紅樓下  
飛上胡天作陣雲

宮詞二首

一作顧况詩

金吾持戟護軒簷  
天樂傳教萬姓瞻  
樓上美人相倚看  
紅妝透出水晶簾

玉樓天半起笙歌  
風送宮人笑語和  
月影殿開聞曉漏  
水晶簾捲近秋河

御定全唐詩卷七百七十二

欽定四庫全書

御定全唐詩卷七百七十三

蕭意

詩一首  
見玉臺後集  
以下

長門失寵

自從別鑾殿長門幾度春不知金屋裏更貯若為人

徐之才

詩一首

下山逢故夫

踟躕下山婦共申別離久為問織縑人何必長相守

張陵詩一

虜患

今日漢家探使迴  
蟻壘胡兵來未歇  
春風渭水不敢流  
總作六軍心上血

蔡瓌詩一

夏日閨怨

桃徑李蹊絕芳園  
炎氛熾日滿愁軒  
枝上鳥驚朱槿落  
池中魚戲綠蘋翻  
君戀京師久留滯  
妾怨高樓積年歲



非關曾入楚王宮直為相思腰轉細卧簟乘閑乍逐涼  
熏爐畏熱嬾焚香雨霑柳葉如啼眼露滴蓮花似汗妝  
全由獨自羞看影艷是孤眠疑夜永無情拂鏡不成妝  
有時却扇還風靜近日書來道欲歸鴛鴦文錦字息機  
但恐愁容不相識為教恒著別時衣

唐怡詩二首

詠破扇

輪如明月盡羅似薄雲穿無由重掩笑分在秋風前

述懷

萬事皆零落平生不可思  
惟餘酒中趣不減少年時

潘求仁詩一  
首

詠燭寄人

燭與人相似通宵遽白煎  
不應須下淚祇是為人然

閻德隱詩二  
首

薛王花燭行第三句  
缺六字

王子仙車下鳳臺紫纓金勒馭龍媒

出

環佩鏘鏘天上來，鴉鵲樓前雲半捲。  
鴛鴦殿上月裴回，玉盤錯落銀燈照。  
珠帳璫瓏寶扇開，盈盈二八誰家子。  
紅粉新妝勝桃李，從來六行比齊姜。  
自許千門奉楚王，楚王宮裏能服飾。  
顧盼傾城復傾國，合歡錦帶蒲萄花。  
連理香裊石榴色，金爐半夜起氤氳。  
翡翠被重蘇合熏，不學曹王遇神女。  
莫言羅敷邀使君，同心婉婉若琴瑟。  
更笑天河有靈匹，一朝福履盛王門。  
百代光輝增帝室，富貴榮華實可憐。  
路旁觀者謂神仙，祇應早得淮南術。

會見雙飛入紫煙

三月歌

洛陽城路九春衢  
洛陽城外柳千株  
能得來時作眼覓  
天津橋側錦屠蘇

劉元叔

一作淑  
詩一首

妾薄命

自從離別守空閨  
遙聞征戰赴一作起雲梯  
夜夜思君遼

海北年年棄一作拋

妾渭橋西陽春  
白日照空暖紫燕銜

紅一作花向庭滿彩鸞琴裏怨聲多飛鵲鏡前妝梳一作顏色

斷誰家夫婿不從征應是漁陽別有情莫道紅顏燕地

少家家還似洛陽城旦一作逐新人殊未歸還令秋至

夜霜飛北斗星前橫旅一作鴈南樓月下擣寒衣夜一作

更深聞鴈腸欲絕獨坐縫衣燈又滅一作獨處挑一作暗啼

羅帳空自憐夢度陽關向誰說每憐容貌宛如神如何

薄命不如人待君朝夕燕山至好作明年楊柳春

常理詩二  
首

古別離

君御狐白裘妾居絳綺幃粟鈿金夾膝花錯玉搔頭離  
別生庭草征衣斷戍樓蠨蛸網清曙菡萏落紅秋小膽  
空房怯長眉滿鏡愁為傳兒女意不用遠封侯

妾薄命

十五玉童色雙蛾青鸞鸞鳥銜櫻桃花此時刺繡閒嬌  
小恣所愛誤人金指環艷花句引落滅燭屏風關妾怕  
愁中畫君偷薄裏還初謂來心平若案誰知別意險如

山乍啼羅袖嬌遮面不忍看君莫惜顏

馮待徵詩一

首

虞姬怨

第二十句  
缺三字

妾本江南采蓮女君是江東學劍人逢君游俠英雄日  
值妾年華桃李春年華灼灼艷桃李結髮簪花配君子  
行逢楚漢正相持辭家上馬從君起歲歲年年事征戰  
侍君帷幙損紅顏不惜羅衣沾馬汗不辭紅粉著刀環  
相期相許定關中鳴鑿鳴佩入秦宮誰誤四面楚歌起

果知五星漢道雄  
天時人事有興滅  
智窮計屈心摧折  
澤中馬力先戰疲  
帳下蛾眉君王是日無神彩

賤妾此時容貌改  
拔山意氣都已無  
渡江面目今何在  
終天隔地與君辭  
恨似流波無息時  
使妾本來不相識  
豈見中途懷苦悲

冷朝光詩一

首

越谿怨

越王宮裏如花人  
越水谿頭采白蘋  
白蘋未盡人先盡



誰見江南春復春

衛萬

詩一首

吳宮怨

君不見吳王宮閣臨江起  
不見珠簾見江水  
曉氣晴來雙闕間  
潮聲夜落千門裏  
句踐城中非舊春  
姑蘇臺下一作上起黃塵  
祇今唯有西江月  
曾照吳王宮裏人

李章

詩一首

春游吟

初春徧芳甸十里藹盈矚美人摘新英步步翫春綠所  
思杳何處宛在吳江曲可憐不得共芳菲日暮歸來淚  
滿衣

王沈詩一

婕妤怨

長信梨花暗欲棲應門上鑰草萋萋春風吹花亂撲戶

一作石斑絕車聲不至啼

王偃詩二

夜夜曲

北斗星移銀漢低  
班姬愁思鳳城西  
青槐陌上行人絕  
明月樓前烏夜啼

明君詞

北望單于日半斜  
明君馬上泣胡沙  
一雙淚滴黃河水  
應得東流入漢家

李暇詩五首

擬古東飛伯勞歌

秦王龍劍燕后琴珊瑚寶匣鏤雙心誰家女兒抱香枕

開衾滅燭願侍寢瓊牕半上金鏤幃輕羅掩一作面不

遮障一作羞青綺幃一作帳中坐相憶紅鸞鏡裏見愁色簷

花照月鶯對棲空將可憐暗中啼

怨詩三首

羅敷初總髻蕙芳正嬌小月落始歸船春眠恒著曉  
何處期郎遊小苑花臺間相憶不可見且復乘月還  
別前花照路別後露垂葉歌舞須及時如何坐悲妾

碧玉歌

碧玉上官妓出入千花林珠被玳瑁牀感郎情意深

李播

詩一首

見美人聞琴不聽

洛浦風流雪陽臺朝暮雲聞琴不肖聽似妒卓文君

辛弘智

詩三首

賦詩

談賓錄云弘智在國子監賦此詩同房常定宗改始字為轉字爭之為已作同下牒

見博士羅道琮判云昔五字定表以理切稱奇今一言競詩取詞多為主詩歸弘智轉還定宗

以狀牒知  
任為公驗

君為河邊草逢春心刺生妾如臺上鏡得照始分明

自君之出矣樂府詩集作李康成詩按康成撰  
玉臺後集以此首為弘智作康成

別有  
一作

自君之出矣梁塵靜不飛思君如滿月夜夜減容輝

又見吟窗  
雜錄

自君之出矣寶鏡為誰明思君如隴水常聞嗚咽聲

御定全唐詩卷七百七十三